

勝熱靜能勝熱而不能勝寒皆滯於一偏而非其正也唯泊然清靜不染於一非成非缺非盈非冲非直非屈非巧非拙非辯非訥而後無所不勝可以爲天下正矣
達真子曰春與夏則萬物動之時也動之極則有寒之者至焉故曰躁勝寒是躁勝之時必有寒也秋與冬則萬物靜之時也靜之極則有熱之者至焉故曰靜勝熱是靜勝之時必有熱也此理之必然矣皆出於勝極之所致也惟大成猶若缺大盈猶若冲大直猶若屈大巧猶若拙大辯猶若訥皆無其勝極之心也心無勝極則清不爲物所污靜不爲動所誘若是則心之所造其有不正哉故曰清靜爲天下正

道藏輯要

道德真經
彭鶴林集註

美

心集七
卷之三

葉夢得曰春秋傳曰正直爲正正曲爲直清靜之爲天下正正其直者也

黃茂材曰有天之寒暑有人之寒暑墮脂折膠天之寒亦甚矣而躁則勝之爍石流金天之暑亦酷矣而靜則勝之乃知人身自有一宇宙其寒暑足以勝天之寒暑若其知道清靜自然則可同於太極爲天下正何止於勝之

天下有道章第四十六

天下有道卻走馬以糞天下無道戎馬生於郊

御註曰以道治天下者民各樂其業而無所爭糞其田疇而已強陵弱眾暴寡雖疆界不能正也

碧虛子陳景元曰卻屏去也糞治田也郊交也言二國相交之境也天下有道謂時之泰也兵甲寢息人多務本戶競農桑屏去走馬之武功而歸治田之常業天下無道謂時之否也強弱相陵人皆失業習尙戰爭自然戎馬生於郊境之上道真仁靜先生曹道沖曰去走馬以息戰民耕桑以糞田內若意馬不馳丹田自實如不務道而好兵則戎馬生於郊野達真子曰走馬者亡戰之馬也戎馬者備戰之馬也國之戰敵皆棄道徇欲所致之然也天下有道無所事於戰敵故卻其走馬則同於糞壤天下無道有所事於戰故戎馬生於郊清源子劉驥曰莊子所謂野馬塵埃以馬喻氣也楊子亦言

道藏輯要

道德真經
彭鶴林集註

七

心集七
八上人

氣也者所以適善惡之馬也歟氣之盛衰繫心動靜心靜氣正心動氣奔有道之士其心既靜其氣徐清其息自減從減至無凝然自定故卻走馬以糞糞者糞其根本謂其歸根反本也天下無道忘道逐物其心既動其氣自奔嗜慾氣邪妄想氣亂故戎馬生於郊莊子所謂坐馳亦此之謂也

黃茂材曰至治之世以道莅天下何用走馬卻以糞宜矣及其有事且急也非戎馬無以遏亂畧乃使生於近郊蓋有不得已焉如人日衰疾病間作捨醫藥不可夫攝生者而至於用醫藥其於道不亦違乎

罪莫大於可欲禍莫大於不知足咎莫大於欲得故知足之足

常足矣

御註曰人見可欲則不知足不知足則欲得欲得則爭端起而禍亂作禍亂作則戎馬生於郊然則知足而各安其性命之分無所施其智巧也日用飲食而已何爭亂之有

碧虛子陳景元曰犯法爲罪夫人有欲愛之心者則非理貪求奔馳而不反是故逐秋毫之微者失太山之重爲罪之因莫重乎可欲也列子曰齊人有欲金者清旦衣冠而之市適鬻金者之所因攫其金而去吏捕得之問曰人皆在焉子攫人之金何對曰取金之時不見人徒見金夫觀於濁水而迷於清淵者不照也禍害也可欲者於貪求之中尙有數耳不

道藏輯要

道德真經
彭鶴林集註

庚

心集七
八八

知足者凡經歷於目而無一可捨滿不知損亡敗及之故禍釁之發莫大乎不知足也咎殃咎也物之經目猶有限也天下之物見與不見咸欲得之使盡在己而靡有孑遺者此無道之甚也小則害身大則喪國得不戒哉

穎濱蘇轍曰匹夫有一於身患必及之侯王而爲是必戎馬之所自起也知足者所遇而足故無不足也

臨川王安石曰墨子曰非無安居也我無足心也非無足財也我無足心也萬物常至於足而有所謂不足者以其無足心也得道者知其足心足財故曰知足之足常足矣

道真仁靜先生曹道沖曰不知足者足亦不足知足則不足

常足

達真子曰罪者人加也禍者鬼責也咎者天伐也人之罪未深於鬼禍鬼之禍未深於天之殃咎也凡無道徇欲者必致乎此知足者足於道而不足於物足於內而不足於外是以舉無不足也故知足之足則常足矣若是則奚有罪禍咎之及已哉

清源子劉驥曰人之有欲至於決性命之情以爭之故罪莫大於可欲若不知足則攘奪誕謾無所不至故禍莫大於不知足欲得則所欲必得恣縱之甚殃咎尤大然此三事不過衣食適身充口之外皆是餘物故繼之以知足知足則定乎

道藏輯要

道德真經
彭鶴林集註

堯

心集七

性命之分逍遙於天地之間而心意自得何禍咎之有故知足之足常足矣

黃茂材曰人有三患可欲也不知足也欲得也一性之內無欠無餘人能知之無適不足

程大昌曰可讀當如許可之可人之有欲者不加制遏顧乃自怨自許以為無害者也世人縱欲而不知足者未必不幸於一勝所欲既遂則秦人盡兼天下而還以兵亡是其禍也漢文帝之罷露臺也自言其心曰吾奉先帝宮室常恐羞之何以臺為及其謝諸將用兵則又曰朕能勝衣冠念不到此故雖拊髀歎頗牧飲食念鉅鹿而十萬橫行可樂之言終不

聽也武帝繼之奢侈踰於古初郡縣巨乎四夷而哆然未厭也
由後世言之文帝爲足乎武帝爲足乎

不出戶章第四十七

不出戶知天下不窺牖見天道

碧虛子陳景元曰當食而思天下之飢當衣而思天下之寒
愛其親知天下之有耆老憐其子知天下之有穉幼夫如是
又何出戶而知天下哉

涑水司馬光曰得其宗本

穎濱蘇轍曰性之爲體充遍宇宙無遠近古今之異古之聖
人其所以不出戶牖而無所不知者特其性全故耳

道藏輯要

道德真經
彭鶴林集註

全

心集七
川州川

陸佃曰萬物皆備於我有天道焉有地道焉有人道焉
葉夢得曰雖山河不能爲之礙况戶牖乎

黃茂材曰天地萬物其道一也

林東曰撫我則后虐我則讎天下之心何難知之有所福者
善所禍者淫天之道何難見之有此其不出戶亦可知不窺
牖亦可見

其出彌遠其知彌少

御註曰去道彌遠

涑水司馬光曰去本逐末

穎濱蘇轍曰世之人爲物所蔽性分於耳目內爲身心之所